

Adrian le Roy

CINQUESME LIVRE DE GVITERRE

1554

13. Si ce n'est amour qu'est-ce.

Si ce n'est amour qu'est-ce,
Qu'est-ce donc que ie sens ?
Helas qui mon cœur presse,
Et rauist tous mes sens.

Ie ne le sçauroye dire,
Mais si c'est bien ou heur
D'ou me vient tel martyre,
Telle peine & douleur.

Et si mal ce peult estre,
Helas mon dieu comment
Fait il en mon cœur naistre
Si gracieus tourment.

Et si brulle mon ame
De mon gré & vouloir,
Puis-ie bien de sa flamme
Iustement me douloir.

Si ma peine est contrainte,
Que me sert le plorer,
Ny du mal la complainte,
Qu'il conuient endurer.

O delectable peine,
O desirables maus,
O mort de vie pleine,
O gracieus trauaus.

Pouez vous bien ma vie
Ainsi facilement
A vous rendre asseruie,
Sans mon consentement.